



Adresa: **Ul. Hamdije Čemerlića 39**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-2-40-080-2/23**

Datum: **13.03.2023. godine**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem Sektora za realizaciju investicionih projekata za donošenje rješenja o vodnoj saglasnosti za aktivnosti na uređenju i čišćenju korita rijeke Usore u cilju obezbjeđenja proticajnog profila u naselju Kalošević, općina Tešanj, na osnovu člana 109. stav (1) tačka 14., a u vezi sa članom 81. stav (1) Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22) donosi

R J E Š E N J E **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za aktivnosti na uređenju i čišćenju korita rijeke Usore u naselju Kalošević u ukupnoj dužini 381,0m, a u cilju obezbjeđenja proticajnog profila na lokalitetu gdje se korito proteže paralelno sa rasadnikom JP Šumarija (dionica od profila PP1 do profila PP9 - lokalitet 3) a na osnovu tehničke dokumentacije:
 - *Novelacija Elaborata - Uređenje Usore u naselju Kalošević, općina Tešanj - lokalitet 3 urađena od strane «HIGRACON» d.o.o. Sarajevo, decembar 2022. godine*
2. Vodna saglasnost se donosi na osnovu pregleda dostavljene tehničke dokumentacije iz tačke 1. dispozitiva ovog Rješenja koja se ovjerena vraća podnosiocu zahtjeva na trajno čuvanje i čini sastavni dio Rješenja.
3. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Sve radove na uređenju i čišćenju korita rijeke Usore u dužini od 381 m u cilju obezbjeđenja proticajnog profila na lokalitetu gdje se korito proteže paralelno sa rasadnikom JP Šumarija (dionica od profila PP1 do profila PP9 - lokalitet 3) izvesti u skladu sa ovjerenom tehničkom dokumentacijom iz tačke 1. ovog Rješenja tj. na način utvrđen u opisu tehničkog rješenja i tehničkih uslova izvođenja radova a u skladu sa uslovima iz ove vodne saglasnosti.
 - 3.2. Investitor (korisnik vodne saglasnosti) je u obavezi da u skladu sa zakonodavstvom iz oblasti građenja angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu.
 - 3.3. Korisnik vodne saglasnosti je dužan da uredno vodi dnevnik rada sa tačno definisanim lokalitetima iskopa, dubini iskopa, izvađenim dnevnim količinama i svim ostalim podacima koji se uobičajeno vode kod ovakve vrste radova.
 - 3.4. Tehnologiju izvođenja radova prilagoditi uslovima na terenu, uz odgovarajuća osiguranja ljudi i materijalnih dobara.
 - 3.5. U toku izvođenja predmetnih radova, iskopani materijal i nastali otpad se ne smije ni privremeno odlagati na zemljišnu česticu «vodno dobro», odnosno unositi u vodotok i na njegove obale.
 - 3.6. Predvidjeti da se sav prikupljeni otpad sa predviđenog lokaliteta (smeće, mulj, kruti otpad, drveće, šibljje i dr) zbrinjava izvan površina obuhvaćenim uticajem velikih voda rijeke Usore, a u skladu sa važećim propisima o postupanju sa otpadom.
 - 3.7. U toku izvođenja radova, neophodno je poduzeti sve potrebne mjere zaštite da predmetnim aktivnostima ne dođe do nastanka štete ili nepovoljnih posljedica po vode i vodni režim (erozija obale i korita vodotoka, pogoršanje kvaliteta vode i dr).

- 3.8. Planom organizacije gradilišta koje će se formirati u funkciji provođenja predmetnih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.9. Tokom izvođenja radova, treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
- 3.10. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.11. Nakon završetka radova na predmetnom lokalitetu u naselju Kalošević neophodno je radni pojas koji uključuje korito, inundacioni pojas i obale rijeke Usore urediti i očistiti od gradilišnog i drugog otpada.
- 3.12. Sve eventualne kolizije sa postojećim infrastrukturnim objektima (instalacije vodovoda i kanalizacije, elektro i sl.) na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatora koji upravlja tim objektima i instalacijama i isti će dati tehničke uslove za izvođenje ovih radova.
4. Ukoliko se izvođenjem radova na uređenju/čišćenju korita rijeke Usore u naselju Kalošević na predmetnom lokalitetu 3. u dužini od 381 m ili drugim aktivnostima vezanim za predmetne radove prouzrokuju štetne promjene režima voda, prouzrokuju štete i naruši stabilnost korita i obala ili nanesu štete trećim licima, podnositelj zahtjeva je obavezan uzroke nastanka štetnih promjena otkloniti, a nastale štete nadoknaditi o vlastitom trošku.
5. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
6. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
7. Kada period izvođenja radova bude tačno preciziran, korisnik vodne saglasnosti ostaje u obavezi da najmanje sedam dana ranije obavijesti Udruženje sportskih ribolovaca «BLINKER» Kalošević-Tešanj, koje je korisnik ribolovnog prava na ovom ribolovnom području, o početku izvođenja radova u koritu rijeke Usore na predmetnom lokalitetu u naselju Kalošević.
8. Ukoliko se prilikom izvođenja zemljanih radova pojavi višak materijala iz iskopa a koji ne bude iskorišten za predmetne radove na uređenju/čišćenju korita rijeke Usore na predmetnoj dionici, potrebno je isti odložiti na deponiju izvan vodnog dobra, a sve u skladu sa uputama Investitora i Nadzora, tj. korisnika ove vodne saglasnosti. Materijal koji ima svoju upotrebnu i tržišnu vrijednost (pijesak, šljunak...) koji će se eventualno pojaviti kod predmetnog uređenja, treba obuhvatiti Ugovorom u skladu sa odredbama člana 19. stav (2) i (3) Uredbe o načinu dodjele prava za vađenje materijala iz vodotoka («Službene novine Federacije BiH», broj 58/15).
9. Korisnik vodne saglasnosti je dužan da prije početka izvođenja radova u saradnji sa nadležnim službama Općine Tešanj riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje nanosa i materijala izvađenog iz korita.
10. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
11. Ova vodna saglasnost prestaje važiti istekom roka od dvije godine ukoliko u tom roku ne bude pribavljeno odobrenje za građenje i započeti radovi na uređenju/čišćenju korita rijeke Usore u skladu sa tehničkom dokumentacijom iz tačke 1. dispozitiva ovog rješenja.
12. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Investitor, «Agencija za vodno područje rijeke Save» Sarajevo putem Sektora za realizaciju investicionih projekata, je podnio zahtjev za izdavanje vodne saglasnosti za aktivnosti na uređenju i čišćenju korita rijeke Usore u cilju obezbjeđenja proticajnog profila u naselju Kalošević (dionica od profila PP1 do profila PP9 - lokalitet 3), općina Tešanj na osnovu tehničke dokumentacije: Novelacija Elaborata - Uređenje Usore u naselju Kalošević, općina Tešanj - lokalitet 3 urađena od strane «HIGRACON» d.o.o. Sarajevo, decembar 2022. godine.

U provedenom postupku, uz zahtjev za izdavanje vodne saglasnosti dostavljena je i pregledana sljedeća dokumentacija:

- Kopija Aktuelnog izvoda iz sudskog registra Općinskog suda u Sarajevu broj: 065-0-RegZ-14-002716 izdatog dana 21.04.2014. godine od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti broj: 07-32.5-45391/12 izdatog dana 11.12.2012. godine od strane Službe za statistiku za područje Kantona Sarajevo,
- Kopija uvjerenja o poreznoj registraciji izdatog dana 14.12.2012. godine od strane Porezne uprave Federacije BiH - Kantonalni porezni ured Sarajevo,
- Kopija Rješenja o prethodnoj vodnoj saglasnosti broj: UP-1/21-1-40-568-3/22 izdatog dana 10.11.2022. godine od strane «Agencije za vodno područje rijeke Save» Sarajevo,
- Saglasnost za izvođenje radova na uređenju i čišćenju desne i lijeve obale rijeke Usore u naseljenim mjestima Kalošević i Mrkotić broj: 12-51/22 izdata dana 08.12.2022. godine na traženje Službe za društvene djelatnosti i investicije Općina Tešanj od strane Udruženja sportskih ribolovaca «BLINKER» Kalošević-Tešanj,
- Novelacija Elaborata - Uređenje Usore u naselju Kalošević, općina Tešanj - lokalitet 3 urađena od strane «HIGRACON» d.o.o. Sarajevo, decembar 2022. godine,
- Kopija Mišljenja broj: 06-45-1-2970/22 upućenog Službi za društvene djelatnosti i investicije Općina Tešanj dana 29.12.2022. godine od strane Službe za katastar, urbanizam i imovinsko pravne poslove Općina Tešanj (prilog: Izvod iz Zakona o prostornom uređenju i građenju Zeničko-dobojskog kantona),
- Kopija Dopisa broj: 03-331-1-05-02-174-1/23 upućenog Službi za društvene djelatnosti i investicije Općina Tešanj dana 24.02.2023. godine od strane JP ŠPD Zeničko-dobojskog kantona d.o.o. Zavidovići.

U provedenom dokaznom postupku koji je prethodio donošenju ovog rješenja utvrđeno je sljedeće:

Za potrebe izvođenja radova na uređenju i čišćenju korita rijeke Usore u dužini od 381m na lokalitetu paralelno sa rasadnikom JP Šumarija (dionica od profila PP1 do profila PP9 - lokalitet 3) u naselju Kalošević, općina Tešanj izrađena je tehnička dokumentacija: Novelacija Elaborata «Uređenje Usore u naselju Kalošević, općina Tešanj - lokalitet 3» od strane ovlaštenog projektanta «HIGRACON» d.o.o. Sarajevo, decembar 2022. godine.

Dostavljena tehnička dokumentacija urađena je u skladu sa uslovima iz Rješenja o prethodnoj vodnoj saglasnosti broj: UP-1/21-1-40-568-3/22 izdatog dana 10.11.2022. godine od strane Agencije, te je shodno članu 114. Zakona o vodama, upisivanjem broja i stavljanjem otiska pečata ove Agencije na tehničku dokumentaciju data vodna saglasnost na istu.

U tehničkoj dokumentaciji su priloženi opisi i nacrti uobičajeni za ovaj nivo dokumentacije (situativni prikazi projektnog rješenja za dionicu planiranih radova M 1:500 i 1:1000; uzdužni profil M 1:100/500 i poprečni profili od PR1 do PR9 u mjerilu M1:100 urađeni na prosječnom rastojanju cca 50m). Aktivnosti na uređenju i čišćenju korita rijeke Usore na predmetnom lokalitetu od profila PP1 (st 0+000,00) do profila PP9 (st 0+381,17) podrazumijevaju radove na uklanjanju šibljaja, niskog rastinja i drveća iz korita te radove na iskopu i planiranju dna i kosina korita. Uređenjem odnosno čišćenjem korita rijeke Usore na predmetnom lokalitetu omogućit će se povećanje proticajnog profila rijeke Usore na istom, poboljšanje hidrodinamičkih uslova i kapacitativnih karakteristika korita a sve u cilju smanjenja nastanka šteta od poplava i zaštite lokalnog stanovništva i njihove imovine.

U skladu sa odredbama člana 111. stav (2) tačka 4. Zakona o prostornom uređenju i građenju Zeničko-dobojskog kantona («Službene novine ZDK» broj /14), predmetni radovi na uređenju i čišćenju korita rijeke Usore na lokalitetu gdje se korito proteže paralelno sa rasadnikom JP Šumarija (lokalitet 3) pripadaju grupi radova/zahvata za koje se ne izdaje urbanistička saglasnost odnosno odobrenje za građenje (pojašnjenje dato u dopisu/mišljenju broj: broj: 06-45-1-2970/22 od 29.12.2022. godine dostavljenom od strane Službe za katastar, urbanizam i imovinsko-pravne poslove Općina Tešanj).

Na temelju utvrđenog činjeničnog stanja i dostavljene dokumentacije, a u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17. stav (1), tačka 13. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), riješeno je kao u dispozitivu ovog Rješenja.

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema Rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Prilog:

- Ovjerena Novelacija Elaborata uređenja Usore u naselju Kalošević, općina Tešanj – lokalitet 3 urađena od strane «HIGRACON» d.o.o. Sarajevo, decembar 2022. godine

Po ovlaštenju
Rukovodilac sektora za izdavanje vodnih akata



Haris Ališehović, dipl.ing.građ.

Dostaviti:

- «Agencija za vodno područje rijeke Save» Sarajevo, Sektor 30 (Prilog);
- AVP Sava, ISV-vodna knjiga
- Sektor 40 – arhiva
- Oglasna ploča AVP Sava